

PASTORS' PRAYER FELLOWSHIP**DELHI(PPFD) INNTEKNA IN BIAKKHAWMNA**

Ahong tungding nisim 22/06/2019 (Kiginni) nitak dak 6:30 - 8:30 in Pastors' Prayer Fellowship Delhi(PPFD) innstekna in EBCC Delhi, Dwarka biakinn ah Pathian biakkhopna/phatkawmna hun zat hiding hi. Hiai biakkhawmna hun ah TOUPA mizat, Evan. Thang Lam Mung in thugenna hun zang ding hi. Hiai hun saptuam mipite'n uap a, vualzawlina tangchiat di'n vaisai heutate'n ngetna leh chialna DEW tungtawn in hon bawl uhi.

ONLINE/BANK TRANSACTION TOH KISAI NGETNA LEH KITHEHSAKNA

Pathian mi siangthoute'n anuai a i Saptuam bank account ah online payment facility tuamtuan zang in biakna leh thilpiak thohlawm tuamtuan (Sawm-a-khat, Missionary Vakna, Antangpham, GBC, etc.) i pia seuhseuh ua, khateng a lut lak a 50% sang a tamzaw bank direct transfer hi ahi. Toupa min phat in om hen! Sunzom zel ni. Transaction pen NEFT mode hithei leh duhthusam ahi. Record fel leh lemtang sem ding gelna in thilpiak leh transaction details hilh/submit na ding saptuam website a "THILPIAK" kichi kibawl hi.

Transfer mode leh Bank zat a tuam dungzui in remarks kigelhte (adiak in Quick/Mobile apan transfer te) dawkkim vek lou sek ahihman in thilpiak detail email finance@ebccdelhi.org in hiam <https://ebccdelhi.org/thilpiak.html> hiam a thehsak zel ding ngaihpoimoh in nei chiat ni chih i kingen thakthak ahi.

"Evangelical Baptist Convention"

A/c No. 11084241142

State Bank of India, New Delhi

Main Branch Parliament Street, New Delhi - 110001

IFS Code SBIN0000691

Email: finance@ebccdelhi.org**NIPINI NAWN BIAKNA HUNZEK**

June 23, 2019

11:00 AM : ZINGLAM BIAKNA KIKHOP

Biakna & Phatna : WT Makaih in
Thilpiak latna : Upa H. Zabiak
Annkuang Siangthou : Pastor
Phatkawmna : WT Makaih in
Hunkhakna : Upa T. Goukhangin

02:00 PM SUNNUNG BIAKNA KIKHOP

Biakna & Phatna : WT Makaih in
Thilpiak latna : Upa Chinsum
Annkuang Siangthou : Pastor
Phatkawmna : WT Makaih in
Hunkhakna : Upa Thangkhosiam Tonsing

2nd WEEKDAY WORSHIP SERVICE

A hong tung ding June 26, 2019(Nilaini) nitak in a nihveina di'n Weekday Worship Service zat hinawn ding. Program guhgel/ zatsawmdan hiai anuai bang ahi.

Amun: Biakinn ; Ahun: 07:30 PM

Biakna & Phatna : WT Makaih in
Thilpiak latna : Upa G. Damsawmthang
Thugenna : Pastor
Thumkhawmna :
Hunkhakna : Pastor

Hiai WWS thumna a phawk in, kisakhawl in midangte le chial in Toupa vualzawlina tang di'n kiging chiat ni.

BYF CORNER**NGETNA**

EBCC Bangalore in biakinn lamna diing Project a T. Shirt hoihtak a bawl uh piece bangzah hiam omlai. Saptuam mipi a lakha nailoute'n laksak siausiau di'n i kingen hi. Size omlai - L, M, S, colour- Red leh a manzah Rs. 399/- ahi. Innkong a tutpih hi nawnlou phot ding. A deih/la utte'n BYF Committe member khatpeuh, or Caretaker thuzak in T-Shirt ngah theih lai veve di.

Biakna Kikhop - NIPINI TENG
ZINGLAM DAK 11:00 AM
SUNNUNG DAK 2:00 PM

Laisiangthou Bulphuh

Huchi'n, a thou a, a pa kiang ah a paita a. Huan, gamlapi a a omlai in, a pa'n a na mu a, a lainat mahmah a, a tai a, a va pom a a tawp tonton a. [Luka:15:20]

PRAYER POINTS

- Tuni Nipini hun hoih hon musak a, l ngaklah Pate Ni, mun tuamtuan a hon zangsak TOUPA min i phat hi.
- Damlou a omlelte leh a kemtute l phawk hi. Pathian in damna leh thathak a piakna ding in TOUPA khut ah kemsak ni.
- Weekday worship services anihveina ahongtung ding June 26,2019(Nilaini Nitak) a zat dia lemgel ahi. Thumna ah phawk in tel di'n kithawi chiat ni.
- Local saptuam a, TBSUC leh department chih a makaite leh sumsai lamte thumna ah phawk zel ni. Toupa deihdan a hon makaih theih ua, sumsai te'n le fel leh kizentak a hon saitouh theih zelna ding un thumpih ni. Saptuam sung chidam vilvel neitheihna di'n thum ni.
- Tg. Thang Septha S/o Upa Thangkhangen, in 14/06 in, GBC New Lamka ah Bible zil theih kinapna toh innlam hon na zotsanta hi. Tg. Septha ahihleh Oct 2017 apan WT@02:00PM a lapitu a kizang ahi. Mavanna l dehsak ahi.
- Nipini nawn biakna hunseh kigelte manphatak a i zat theihna ding un Toupa khut hat ah lankhe ni.

June 2019 USHER

Mipi Biakkhawmna hunte a Usher-te :

11:00 AM :

Mohammedpur Prayer Cell leh Safdarjung Enclave Prayer Cell

02:00 PM :

TBYF R.K. Puram Area Fellowship



Tukha Thupi

Naupang Leh Pa Hihna
A Pathian Pomtak Biak Piakna

For Private Circulation Only | June 16, 2019

TUNI BIAKNA HUNZEK**09:30 AM : COUNSELLING HUN****PATE' NI****11:00 AM : ZINGLAM BIAKNA KIKHOP**

Biakna & Phatna : WT Makaih in
Thilpiak latna : Upa T. Songzalian
Thugenna : Pastor
Special Item : TBCD, TBDF
Phatkawmna : WT Makaih in
Hunkhakna : Upa Chinsum

TEA FELLOWSHIP**02:00 PM SUNNUNG BIAKNA KIKHOP**

Biakna & Phatna : WT Makaih in
Thilpiak latna : Upa T. Thiankhanmuan
Thugenna or
Interaction : Pastor
Phatkawmna : WT Makaih in
Hunkhakna : Upa H. Zabiak

TEA FELLOWSHIP**BCD SUNDAY SCHOOL PROGRAMME**"PATHIAN' POMTAK BIAKNA" *Rome-te 12.1*

Amun: BCD Hall

Ahun : 16/06/2019 11:00hrs Nipini 3na

Pitu : Htn Chingboi

Bible Sima thumna : T Thangmuansiam, Inter

Phatkawmna : Lapite makaih

Short Sharing(Ka Pa) : Sinsaktu Pasalte - Point 5 or
Minute 2 tan chiat

Thilpiak Latna

leh Toupa Thumna : Htp Sianmang

Pawl kikhenna om ding

Music Club Lasinna omding

June khasung Ushers dingte: Htn Lialian leh

Htn Muante



NA PA' KIANG AH KIK IN

Luka 15:11-24

Khovel ah ta tamtak, a pianna pate ua kipan taimang uhi. Pate'n tate akipan itna, zahna, thumanna chihthe ngah nawnlou uhi. Luka 15:11-24 sung i simleh, i theihluatsa tapa taimang tangthu i chihsek a kigelh hi. Hiai a tapa taimang tuh khat kia ahikei a, a nih ua taimang uhi uh. Tapa naupangzaw pen in a pa gamlapi ah taimangsan a, a uzaw pen in naichik ah taimangsan hi.

Tulai in zong, khenkhat in gamlapi ah taksa mahmah in pate taimangsan a, khenkhat in naichik ah, innsung khat a tengkhawm napi in, pate taimangsan veve hi. Hiai in pate ah lungkhamna, thawmhauna leh khasiatna tun in, amau a kipan vualzawlina hong luang ding tapi daltan in, hamsia suak thei hi. Tutung pate' ni ah, i leitung pathian uh i pate akipan i taimangna mun ua kipan i pate kiang zuankik ding in ikihanthawn nuam hi.

Tapa naupangzaw' taimangna: Gam gamlapi ah a taimangsan hi. A pa zahna a neikei a, a thuneihna zong a zahtaksak kei hi. A pa'n pha a sak hun a a piak ding hinapi, itna leh zahna tellou in, kampau gum leh thagum in a goutan ding a ngen hi. A pa itlou napi in a gou kaihkhawmte a etlahsak hi. Alehlah ah, a pa'n itlua ahihman in, a tapa a thangpaisak utkei a, a nget bangbang a phalsak hi! Tua bang a pa' itna a thupi luat lai in, itna leh khiaklahna himhim neilou in, gamlapi ah a pa a taimangsan hi!

Tapa upazaw' taimangna: A tapa uzaw pen ahihleh, a pa' kiang ah a om den hi. Etmal in, hih hoih leh thumang mahmah a bang. Himahleh, a sanggampa hong kik hun a, a kampau leh omdan in, a pa tuh pa bang a enlou ahihdan leh, zahna leh itna neituanlou ahihdan a kilang hi. A pa' kiang ah om gige mahleh, a pa' tung a lungkimlouhna leh thangpaihna nei den ahihdan kimu thei hi. A pa toh kizopna chidam a neikei a, nei ding in zong a pa' chialna a sangnuam kei hi. Nna a sep Chiang in leng, neitu hihna leh intek lungsim neilou in sikha bang in nna a sem hi. Tua kia hilou in, a sanggampa zong a it kei a, hazatna'n a dim hi. Huaiziak in, naichik ah om mahleh a lungsim leh itna ah, pa akipan gamlapi ah a om hi.

Hiai nau nihte bang in, ta tamtakte at itna leh zahtakna ah taimang hihang! Nu-le-pate'n itna leh deihsakna toh guhtui kangzen a hon kem in hon vak khanglian uhi. I hong hithei a, mahni a hong khosak theih Chiang in, hiai tan hon tuntu nulepate manggilh maimah khak theih ahi! Amaute hai lua sak khak theih ahi! Amaute kep leh don a ngaih hun ua ngaihsak nawnlou a, lungleng leh thawmhautak a omsak khak theih ahi. Tunin Delhi khopi i omna a kipat in, i pate bang chilel a koih ihiam chih en thak ni. A phu uh zahtakna leh itna i na pe na uh hiam?

Na pa zahna leh itna ah kik in: Na pa zahtak ding bang in na zahtak na hiam? Nu leh pa zahtaklou peuhmah tuh LST in, hamsethuak in om hen! chi hi (Diut. 27:16). Na pa, na kampau a na zahlouhna, omdan leh thilhih ah, na zahlouhna, na suk zahlakna a om hia? Ahihkei leh, mawl lua sa a na simmoh bawl hun a omkha hiam? Tuete khempeuh apan amah zahna leh itna ah kiik in. Na zahlouh ziaik in a lungkham in a khase khading e! Nang adia hamsia hithei ahi. Kik inla, ngaihdam ngen in. A tan ding a kilawm zahna, itna leh pahtawina pia in, lungdamna leh kipahna pekik in. Hiai bang a pate' kiang a kikna tuh van a Pathian' kipahna ahi a, huai tuh nang ading a van leh lei vualzawlina na tanna ahi.

TABLE MINISTRY

Tuni a I neek-le-dawn di refreshment Minister Pu V. Hangkhanlian, in hon sponsore ahi. Hiai pen, Nipini paita a didan a DEW 09/06 issue a hong kisuah, lemlouhna om ziaik a tuni kikhoptawp a didan a hong tukha ahi. Ne in dawn siausiau ni....Seem thei zel, pia thei zel ding in Toupa'n Saptuam te A hoihna in honvuk gige hen.

PATE NI THUGELH TOM

KHRIST, SUNGLAI TANGSAK KA PA (MY CHRIST CENTERED FATHER)

Nu Dr. Priscilla Cicy

Ephesa te 6:4 ah, "Pate aw , na tate uh hih thangpai kei unla, Khristian kithunna leh thuhilhna in kem zaw un" ana chi a, kum 30 ka honpelh nung a ka phawkkhiak phiing khat ahihleh ka pa'n hiai Thu zui a kou (a tate) hon na kem ahi maw chih ahi. Ka pa kibulhphuhna 'Khrist ah' ahizhiak ahi ding a, mihing hihna-a lunggimna, hehna, thangpaihna ka tut hun un leng, ama'n hon na dawnthuk dan, taihilh leh thuhilh dante Lai Siangthou sinsakna apan ana hi eive chih mukhiak in a om zel a, Khrist, sunglai tangsak pa (Christ centered father) ka na neih hampaha ka kisa lua hi. Huaiziak mah leng ahidi'a, ka pa tawndan, hindan leh paidan te theihlouh kal in kei hinkhua mahmah ah le hongpawtmal sek a, huai paipi (principle) te mah khawvel kitaitehna a tamveipi kei honvengtu leh hon mualsuhsaktu ana hizel hi.

KA PA BANG, ADANG OMLOU DING HI (MY FATHER, THERE WILL BE NO OTHER LIKE HIM)

Nu Dr. Grace Don Nemching

Ka pa, khawvel neih-le-lam a hausa ahi hetkei, lai lam ah le saupi tung ahi samkei; hilele kei adi'a ka mingaihsan luatte laka khat ahi. Thupil tapi, sum a lei theihlouh hon nawtsiat a, ka hinkhua a ka phatuampih mahmahte lak a nih ka honkum di. 1na - Laisiamna (education) a ngaisanga, a tate kiang ah hichi'n honchi zel hi, "Bawite, sum-le-pai ka hau hetkei, hilele ka hon piak theih sunsun skul hoih, university hoih a hon kaisak di ka hi. Aban gari, inn, sum-le-pai na deiuh ua leh lai a na khuatkiak ding uh." 2na - Hichi'a hon gen lai, "Bawite, bang chituk a laisiam in sepna lian nei le uh chin le, na mi na sa te uh kana hon kipahpih di omlou ahi. Kipah ni, sihni-manni a na mi na sa te uh ahi hondelh di, na kipatna (roots) uh manggilh ngeikei un."

KA PA, KA LEI PATHIAN

Pa S. Thuambiaklian

Mihing a siam ka hih apat ka nu-le-pa' hon itna, kepna leh hawmthawhna zouzaite ka ngaihtuah Chiang in Pathian kiana kipahtu gen banah, kam mahmah ka nu-le-pa kiana gen ka na ut gige hi. Banah, tup leh tuplouh thu hilou a ka nu-le-pa' lungsim ka suknaatkak hun om ding, tuate bang le amau kiana ngaihdam ngen ut ka hi. A kikhelthei ahihlai in TOUPA hehpihna tawh, Pa' Ni tapi vei zat nung 2016 kuma ka zat a manphapen ahi. Hiai ni in ka nu-le-pa kiangah kipahtu ka gen thei a, atung uah ka hihkelhkhak omte a ngaihdamna uh ka na ngen hi. Pathian vualzawlina, nu-le-pa tungtawna hongpai ahi chih ka muchian semsem hi. Tuni Pa' Ni ahih tawh kiton in hiai ka gen utlai. Lawhsam kisa, lungkia a ka om Chiang inleng, hon lungkiak pihlou 'ka Pa' ahi. Kei leh ka innkuante adi'n nitengin honna thum sak a, Thumna Mual khawng ah, zingtung apat an-ngawl in hon thumsak zel hi. Khawvel khawsakna ah diktat, thudik leh a vualzawlhuai hinkhua ka Pa'n hon sinsaka, kei adingin ka lei Pathian ahi taktak hi.

MY DAD, MY HOPE IN MY HOPELESSNESS

Tg. Liankhanlal @Lalboi

I entered this world a baby: soft, tiny, helpless and hungry for a lot of love and affection. My dad lifted me in his loving arms and taught me that I was not alone; he has got my back. He introduced me to the Bible and showed me the way of a true Christian. Everything he teaches me in pain and in joy has his love and affection hidden in them. He is a lesson of love I keep reminding myself. He is a teacher who doesn't tell me how to live but he lives and lets me watch him do so. Today, I willingly face every challenge that crosses my path with confidence because of my dad's persistent prayers for me. My dad is my hope in my hopelessness, a light in my darkness, a protector from my fears and a victory in all my losses for he always leads me to the path of the Gospel and that had always made all the difference.